

দ্বীনিয়াত মুয়াল্লিমা কলেজে অনুষ্ঠান ও সার্টিফিকেট প্রদান

পূর্বের কলম প্রতিবেদক: বুধবার হাওড়ার দ্বীনিয়াত মুয়াল্লিমা কলেজে অনুষ্ঠিত হল অ্যানুয়াল ডে' এবং বার্ষিক সার্টিফিকেট প্রদান অনুষ্ঠান। যে সব ছাত্রী গত দু'বছর ধরে ইসলামিক শিক্ষার পাশাপাশি, কম্পিউটার, নিউট্রিশন, হেলথ সায়েন্স, ম্যানেজমেন্ট-এর বিভিন্ন কোর্স কমপ্লিট করেছে, তাদের হাতে তুলে দেওয়া হয়েছে সার্টিফিকেট ও প্রাইজ।

বুধবারের অনুষ্ঠানে উপস্থিত ছিলেন অধ্যাপিকা সাইয়েদা সারিকাতুল মাওলা আল-কান্দরী। তিনি বলেন, আগামীতে এই কলেজ প্রচার-প্রসার হোক কামনা করছি। পশ্চিমবঙ্গের ছাত্রীদের এই কলেজে ভর্তি হওয়ার আহ্বান জানাচ্ছি। যাদবপুর বিশ্ববিদ্যালয়ের অধ্যাপিকা নীলাঞ্জনা গুপ্তা



বলেন, আমি অনেক প্রতিষ্ঠানে ঘুরেছি, কিন্তু পঠনপাঠন চালাচ্ছে সংখ্যালঘু মুসলিম দ্বীনিয়াত মুয়াল্লিমা কলেজ অভিনব পদ্ধতিতে মহিলাদের জন্য। অন্যান্যদের মধ্যে ছিলেন

শুভজিৎ বাগচী, স্বজ্জদা, শিক্ষাবিদ ও সমাজসেবীরা।

এদিন কলেজের জেনারেল সেক্রেটারি শেখ হায়দার আলী, চেয়ারম্যান মাসুদুর রহমান, ডাইরেক্টর মাস্টার রমজল আমিন, সেক্রেটারি মাওলানা হাবিবুর রহমান, ট্রাস্টি বোর্ডের সদস্য হাজী মহসিন হালদার, রশিদুল হক মোল্লা, হামান মল্লিক, অক্ষয় রহমান প্রমুখ উপস্থিত ছিলেন। কলেজের সেক্রেটারি আগত অতিথিদের কৃতজ্ঞতাঞ্জলি ও ধন্যবাদ জানিয়ে সভা সমাপ্ত করেন।

প্রসঙ্গত, রাজ্যে পিছিয়ে পড়া সংখ্যালঘু মুসলিম মহিলাদের শিক্ষাক্ষেত্রে অগ্রগতি এবং ক্ষমতায়নের উদ্দেশ্যে জীবন ও জনমুখী শিক্ষার মাধ্যমে স্বয়ংসম্পূর্ণ হতে সাহায্য করছে এই দ্বীনিয়াত মুয়াল্লিমা কলেজ।